

明詩別裁集



卷九十

柳田文庫

文庫11

D 177

5



文庫 11  
D 177  
5



明詩別裁集卷九目錄

張佳胤 四首

梁有譽 二首

吳國倫 六首

徐中行 二首

宗臣 三首

張九一 一首

王世懋 二首

明詩別裁集 卷九目錄 一



010190557923

言身表集 卷九目錄 一

潘緯 一首

張邦伊 一首

戚繼光 一首

歐大任 四首

張元凱 一首

陳鶴 二首

徐渭 一

沈明臣 二首

唐詩 一首

黃姬水 一首

袁景休 一首

嵇元夫 二首

居節 一首

孫良器 一首

王叔承 一首

王穉登 三首

明詩別裁集 卷九目錄 二

汪時元 一首

蔡文範 二首

黃洪憲 一首

李三才 一首

朱期至 一首

馮琦 一首

朱國祚 三首

徐學聚 一首

湯顯祖 一首

徐燠 十五首

陶望齡 一首

高攀龍 五首

傅新德 一首

區大相 四首

鄭明選 三首

歸子慕 九首



明詩別裁集卷九

沈德潛稿士

長洲

周準欽策

同輯

張佳胤

仕晉字肖甫銅梁人嘉靖庚戌進士官至兵部尚書加太

子太保贈少保謚襄敏○少保詩時露警候棟卧子重其莊雅稱為李王

烏蠻灘

烏蠻灘前石齒齒。盤渦轉地驚濤起險絕。

月詩別裁集

卷九

一

空傳灑灑堆估客帆檣愁欲死。萬里江源  
異域來。右出夜郎左交趾。青天赤日毒霧  
合。跼跼飛鷲墮。涑水我本西梁道上人。瘴  
鄉奔逐胡爲爾。停舟一奠伏波祠。丹荔黃  
蕉前致詞。英雄心事無今古。神物風雲各  
有時。銅柱功名倘難就。澤車欵段任吾之。

宿黃牛峽

春到黃牛峽。江辭白帝城。楚雲高不落。巴

水去無聲。絕塞書難得。孤舟月更明。權歌  
聽自短。幾處夜猿鳴。

赴雁門聞虜退去呈楊中丞

驅車九月度飛狐。萬里霜淒塞草枯。白馬  
偶來逢使者。黃沙何處走單于。胡雲夜動  
雙龍匣。漢日秋懸八陣圖。一自雁門留李  
牧。邊關烽火至今無。

登函關城樓

樓上春雲雉堞齊。秦川芳草自萋萋。昔看  
雨後。河流急。青入窓中。華岳低。客久獨憑  
三尺劍。時清何用一丸泥。登高遠眺鄉心  
起。關樹重遮黃嶺西。

梁有譽

有譽字公實。順德人。嘉靖庚戌進士官刑吏主事。

姑蘇懷古

看山幾日到吳中。遊客登臨感既同。金虎  
跡荒靈氣滅。水犀軍散霸圖空。春歸茂苑

烏啼。月花落。橫塘蝶怨風。誰識倦游心。獨  
苦扁舟長憶五湖東。

燕京感懷

塵塞戈鋌血未乾。龍庭烽火報長安。擬擒  
頡利先開幕。欲拜嫫姚更築壇。青海月明  
胡馬動。黃榆風急皂鷗寒。材官羽騎多如  
雨。夜夜旄頭倚劍看。

吳國倫

國倫字明卿。興國人。嘉靖庚戌進士官至河南參政。

明詩別裁集

卷九

三

送徐行父少參赴關內

咸陽天下險。洛邑天下中。潼關睥睨周。西  
東君自三川。歷三輔。分陝經營王命同。登  
車。沈慨千人雄。矯若八翼凌蒼穹。左馮翊。  
右扶風。漢關秦畿指顧通。為將匣裡雙龍  
劍。擲作天邊二華峰。

得元乘書

巴道還江縣。酒然滯海門。別來新鬼哭。書

至故人存萬死懸。兵力孤忠藉主恩。豈無

柑難意。畏路不堪論。

善俞村意

高州雜詠

粵南天欲盡。風氣迴難持。一日更裘葛。三  
家雜漢夷。鬼符書辟瘴。蠻鼓奏登陴。送夜  
西歸夢。惟應海月知。

風土詩。須此奇警。六筆方寓得生動。

鄱陽湖

欲向匡廬卧白雲。官亭水色畫氤氳。千山



日言另表集卷九  
四  
日射魚龍窟。萬里霜寒馬驚群。浪擁帆檣。天際下星蟠。長楚鏡中分。東南歲暮仍鼙鼓。莫遣孤舟逐客聞。

送姜太史節之使楚王

天子分桐葉。詞臣下柏梁。共憐星是使。况乃玉爲堂。江漢環宗國。風雲護帝鄉。居人思過沛。太史復浮湘。地險東南勝。藩盟帶礪長。晴山開綺節。高浪出牙樯。楊柳停旌

艷椒蘭。設醴芳。樓臺招鶴馭。環珮憶鷓行。六博中原路。雙鋒北斗傍。絨書如有意。歸雁自衡陽。

寄遠曲

章臺楊柳綠如雲。憶折南枝早贈君。一夜東風人萬里。可憐飛絮已紛紛。

徐中行

中行字子與。長與人嘉靖庚戌進士官至江西左布政使

暮發滁陽

明言身表集 卷九  
荒城一騎出。落日萬峰西。澗水流人影。松陰散馬蹄。懸崖青欲滴。芳草綠堪迷。洵美非吾土。翻然憶故溪。

盤江驛阻雨寄門人汪維

天連益部長多雨。路出盤江况毒淫。春早蟄龍蒸赤水。夜深山鬼嘯青林。已憐道遠妻孥累。更恐年衰瘴癘侵。吹笛表生應好在。懷予堪和武溪吟。結用爰寄生事恰與門人閑合

宗 臣

臣字子相興化人嘉靖癸丑進士官至福建提學副使

登雲門諸山

山頭月白雲英英。千峰洵指于江明。手把芙蓉步石壁。蒼翠亂射猿鳥驚。誰其雲外吹紫笙。欲來不來空復情。天風吹我佩蕭颯。恍疑身在崑崙行。

雨夜沈二丈至

榻有何人下。君能此夜過。寒蟬吳客賦。衰

鳳楚人歌。雨氣干江。人秋聲萬木。多明朝  
寒浦望。捩落有漁蓑。

長庚純一舜隆既別憶之

一別不自意。莽然空復愁。孤舟仍盜賊。多  
病已春秋。明月于江水。故人何處樓。風塵  
雙淚眼。為我寄滄洲。

張九一

九一字助甫新蔡人嘉靖癸丑進士授黃梅知縣歷官右

僉都御史無寧夏

寄見甫弟

歷盡已山白。髮新西風何處不傷神。馬曹  
躑躅官難達。鳥道崎嶇老更貧。九派長江  
春後馬。一年芳草夢中人。相思况是無消  
息。徒倚天涯涕淚頻。

王世懋

世懋字敬美太倉州人元吳第嘉靖己未進士官至木常

知寺少

送李太史元甫冊封蜀藩

王檢金泥出大庭。雙旌萬里去冥冥。漢宮  
朝。浥仙人露。益部宵占使者星。巫峽雲中  
流。濯錦峨眉天半落。空青先驅恥作臨邛  
客。橐筆重題劍閣銘。

橫塘春泛

吳姬小館碧紗窗。十里飛花點玉缸。蠟屐  
去尋芳草路。青絲留醉木蘭艫。山連暮靄  
迷前浦。雲擁春流入遠江。棹裡長于聽一

曲。烟波起處白鷗雙。

潘

緯

緯字仲文  
歙縣人

送友人北遊

樽酒慰行軒。交深敢贈言。經過鄭莊驛。好  
問孟嘗門。一諾休輕許。千金未是恩。年來  
長送客。此意不曾論。

張邦伊

邦伊字孺覺。鄆縣人。以父  
蔭仕。至陝西苑馬寺少卿。

沈嘉則有三楚之遊。席上得分字。

春城斗酒惜離群。把袂高歌到夕曛。地入  
衡陽三楚盡。天迴襄漢九江分。停舟夜聽  
湘靈瑟。倚閣高舉鄂渚雲。知爾尚平家累  
淺。逢人勝事好相聞。

戚繼光

繼光字元敬登州人世襲衛千戶以參將倭浙東破倭於台州平海衛等處寇平以都督同知召理戎政出為薊鎮總兵進左都督加火保

盤山絕頂

想用一擊草木哀。雲頭剗起石門開。湖風  
虜酒不成醉。落葉歸鴉無數來。但使玄戈  
銷殺氣。未妨白髮老邊才。勒名峰上吾誰  
與。故李將軍舞劍臺。  
無意為詩自足生起若邪定襄直於詩壇

中位置之

歐大任

大任字楨伯順德人以歲貢選江都劍導入為國子博士

終南京戶部郎中

泊樅陽眺覽遂憶漢武之游

行役屆皖城。故舟下樅陽。原隰鬱旖旎。江  
波浩湯湯。憶右元封中。君王狩朱方。大江  
深且廣。及茲一葦航。彎弧射蛟臺。皇武何  
足當。宸游事既往。六合無回光。不見樓船  
還。空餘蕙蘭芳。追昔有虞氏。恭已垂衣裳。  
聖人重無為。君子貴豫防。覽古動悽惻。延  
佇增徬徨。

除夕九江官舍

餞歲溇陽館。羈懷強笑歡。燭銷深夜酒。菜  
蕪異鄉盤。淚每思親墮。書頻寄弟音。宋人  
計程遠。應已夢長安。  
一結憶及家人又於  
家人意中念已之夢

長安曲折往  
復善學少徒

九月十五夜月

瑤草三秋色。金風一夕寒。畫綠多難絕。月  
在異鄉看。淒斷驚霜角。遲迴望露盤。刀頭  
今未定。誰最憶長安。

登宣府門樓

百二山河控上游。營。蔥。佳。氣。滿。皇。州。風。驅。  
大。漠。浮。雲。出。天。轉。滹。沱。落。日。洗。雙。闕。金。莖。  
連。比。極。萬。家。紅。樹。動。高。秋。茱。萸。黃。菊。俱。據。  
佩。獨。上。城。南。百。尺。樓。

張元凱

元凱字左虞吳縣人蘇州衛指揮

楓橋與送者別

楓橋秋水綠無涯。楓葉滿樹紅於花。萬里

之行纔十里。闔閭城頭尚堪指。遊子尊前

淚濕衣。離心已逐片帆飛。酒酣忘却身為

客。意欲元同送者歸。英雄兒女一齊下淚

陳

鶴鶴字鳴野山陰人世襲百戶

瘴入樓孤月常隨棹寒潮自到門頗近自然

夜坐寄朱仲開張旣江

坐久北風起。江聲帶遠沙。客愁初到鬢。鄉  
夢不離家。林靜無殘葉。燈寒有落花。懷君

滯羈旅雲海各天涯

卧病雙溪山館見月寄張有功

溪邊桑柘映雙流。病裡蕭條賦四愁。坐雨  
幾宵方見月。別君一日已成秋。山深倦鵲  
猶依樹。風定飛螢自上樓。託跡文園須共  
遣。莫因鄉國嘆羈留。

徐渭 渭字文長  
山陰人

懷陳將軍同甫

飛將遠從戎。翩翩氣自雄。推千嶂外騎。  
象百蠻中。銅柱華封善。比池漢鑿空。雁飛  
真不到。何處寄秋風。

沈明臣 明臣字嘉  
則勤縣人

顧晉卿席上聞其弟益卿憲副南

越之捷

廿年豺虎劇縱橫。百粵遙傳一日平。再觀  
樓船橫海出。更標銅柱伏波名。天青馬嶂



春銷甲雨過龍川夜洗兵。誰道虎頭非將種。請纓從古是書生。

凱歌

銜枚夜度五千兵。密領軍符號令明。狹巷

短兵相接處。殺人如草不聞聲。嘉則與徐文長同在

胡少保宗憲募少保嘗識將士於爛柯山酒酣樂作嘉則於席上賦凱歌十章吟至

狹巷短兵二語少保起將其鬚曰何物沈郎雄快乃爾命工刺石置山上

唐詩字子言無錫人

橫江曲

家住橫江口。年年傷暮春。落花隨水去。不為待歸人。

黃姬水 姬永字淳父長洲縣學生

與友人共飲

青郊歌馬拂吳鉤。莽聚天涯共白頭。火客新豐惟命酒。長謠故國一登樓。林殘半壑飛寒雨。潮落空江急暮流。世路風烟悲去

佳莫辭此日醉筮篋。

袁景休

景休字孟逸吳縣人隱於卜

送沈嘉則遊中原兼訪威將軍

中原此去欲如何。把酒聞君慨歌道。上  
霜寒。逢白雁。馬前木落見黃河。五陵烟雨  
秋難盡。三輔風雲氣尚多。記得少年曾學  
劍。壯心猶自憶廉頗。

嵇元夫

元夫字長卿歸安人

刈稻夜歸

西莊刈稻夜半歸。明月皎皎常柴扉。櫓聲  
隔岸人語近。斗柄插江霜氣微。木葉蕭蕭  
覆林屋。蘆花茫茫藏釣磯。兒童村南酒家  
去。野夫獨立風吹衣。

立秋日盧溝送新鄭少師相公

單車去國路悠悠。綠樹鳴蟬又早秋。燕市  
傷心供帳薄。鳳城回首暮雲浮。徒聞後騎

宣乘傳不見群公疏請留三載布衣門下  
客送君垂淚過盧溝此江陵與司禮監馮保  
逐新鄭相公事也

無位之士為之垂淚  
足徵公論在人

居節節字士貞  
吳縣人

晚坐

鴉背夕陽盡柴門暮色初山寒漸風露人  
語半樵漁落葉聞砧急蘆花映月踈年年  
楚江上不見雁將書

二

孫良器良器字貢  
南休寧人

過姑蘇有感

東吳城外盡烽烟百姓流移半在船為問  
秋風舊來雁稻梁今有幾家田此諱應是  
委寇之後

經過所作沈江雁初歸  
不見人其聲又蕭颯矣

王叔承叔承字承  
吳江人

風雨泛太湖宿松陵長橋漫興

群飛鷗鷺去不極予亦揚帆赴杳冥灑髮

湖風寒氣白。打船春雨浪。花青水邊萬樹。來江縣雲裡。雙峰出洞庭。七十二橋燈火亂。野烟醺酒宿漁汀。

王穉登

穉登字百穀長洲人國子監生

塘栖道中

水闊雨冥冥。帆飛去不停。人聲兩涯斷。魚市一江腥。雲已辭吳白。山初到越青。侯芭敷行淚。千里弔玄經。

聞警

交河十月水潺潺。虜騎秋高過黑山。六郡平時元近寒。一夫誰箇可當關。雲中太守酒重起。日逐賢王未肯還。空抱平胡二三策。書生無計謁龍顏。

袁相國故居訪李孝甫太僕

魚文匕首不離身。馬踏長安市裏塵。重過楊家舊亭子。深悲侯氏老門人。朱欄易主

花無色。青眼逢君酒可親。同是中郎琴畔客。一般憔悴各沾巾。

汪時元時元字惟休寧人

九日舟中

秋風葉正飛。江上逢重九。人世幾登高。寂寞黃花酒。只此已足

蔡文範文範字伯華新昌人隆慶戊辰進士歷官廣東布政司參

講。臨慶以後詩報浙宰故所取從畧

自瀛德至東昌道中雜詩

聞道張秋決。先朝慮獨深。名山標戊巳。秦使失辛壬。地控支祈鎖。天寒象固沉。誰知神禹蹟。䟽鑿本無心。

遊南岳

縹緲仙臺紫氣浮。烟籠玉座儼垂旒。地包荆楚標南紀。江合沅湘向比流。牲帛千秋周祀典。衣冠五月舜諸侯。塵緣未斷慚仙

骨金簡雲書何處求。

黃洪憲 洪憲字懋忠嘉興人隆慶辛未進士改庶吉士官至火磨

事掌翰林院事

山海關

長城古堞俯滄瀛。百二何山擁上京。銀海仙槎來漢使。玉關秋草戍秦兵。星臨尾節雙龍合。月照平沙萬馬明。聞到遼陽飛羽急。書生急欲請長纓。

李三才 三才字道夫臨潼人萬曆甲戌進士官至戶部尚書

送許郎中轉餉薊密諸鎮

重鎮經行遠。清秋離別難。和戎兼漢策。轉餉命秦官。朔雁驚風下。邊雲入夜寒。都亭尊酒罷。落葉滿征鞍。

朱期至 期至字子得斷水人萬曆甲戌進士官惟虜知府

送蔣太守之瓊州

五羊南去客心孤。銅柱遙分使者符。為語

越裳諸屬國。清時不用貢。珊瑚從張謂戲  
貢物詩翻出。能尊國辭

馮琦琦字用諷臨朐人萬曆丁丑進士官至吏部侍郎贈禮部

尚書謚襄敏

### 題三娘子畫象

紅妝一隊陰山下。亂點醜醜醉朔野。塞外

爭傳娘子軍。邊頭不牧烏孫馬。此為忠順夫人作

朱國祚國祚字兆隆秀水人萬曆癸未賜進士第一官至南卒禮

部角書八東問後加必傳贈太博語大政

### 經寧庶人廢苑

吳淠何知反。劉安但自尊。魚鹽時不利。雞

犬爾馬存。俘已儒臣獲。軍猶鎮國屯。白頭

遺老在。尚說獻王孫。

### 西山謁景皇帝陵

吳園懷斷白楊風。黃瓦今看天壽同。北狩  
再馳通問使。南還偏賞奪門功。若教守土

盟城下。安得蒙塵返域中。多少諫臣司耳目。

昌言翻賴校官忠。追復景皇帝諡號由周門川以尊高瑄士

疏言

恭謁慶陵作

講幄頻趨鶴禦深。重來就日慘崇陰。十年  
始受東朝冊。一月真傾下土心。視權盡收  
中使節。披沙罷採邠人金。最愁日曆書難  
既。龍去烏號涕不禁。

徐學聚

學聚字敬與蘭谿人萬曆癸未進士官至右僉都御史

建

夜宿日觀路禪房

武宗面面削芙蓉。時有御雲出漢封。杖屨  
中天千象緯。風烟下界起蛟龍。河流舊統  
滄溟遠。練影斜懸紫翠重。夜半石牀天籟  
發。夢中錯認景陽鐘。

湯顯祖

顯祖字義仍幽州人萬曆癸未進士官南京禮部主事請



與史量移  
知遂昌縣

送別劉大甫

欲別悲歌雞又鳴。白頭無計與書生。恩雙  
未盡心難死。獨向田橫鳥上行。

徐

焜

焜字淮和。開縣人。萬曆戊子舉人。惟和近薛宗法。唐人在

詩道元雅時遊之。如沙鑿中得筒珠也。七言詔尤能作清至語。在李庶子

之節都官

銅雀故

銅臺遺令在王座。主恩非舊曲。流哀曾鈿  
香散舞衣總。惟空寂寞羅綺失。光輝日日  
西陵望。君王歸不歸。

陳价夫歸自崖州談粵中山水因

懷舊游

朱崖彈缺動經年。醉向愁姬酒肆眠。笑語  
自存豪士氣。衣裳猶帶烏夷煙。波羅老去  
甘如蜜。蔓葉開時小似錢。十載遊蹤俱是

明詩別裁集

卷九

十一

夢不堪重聽舊山川

送人遊吳楚

津亭煙柳綠垂絲萬里門山匹馬進去國  
正當秋盡後登樓多在日斜時楚江草長  
悲鷓鴣吳苑花深走鹿麋話別何須共惆  
悵秋風搖落是歸期

旅次石頭序

石頭城下水微茫回首御門驛路長瓜步

煙波連斷靄秦淮雲樹隔斜陽秋高落木  
見村舍夜靜寒潮到女墻客裏愁心已如  
此一問南雁更淒涼

金陵故宮

先朝遺殿閉塵埃零落空勞兩客哀五夜  
銅壺乾罷滴六宮金鎖溫難開翠華逝後  
全無跡羅綺焚餘自有灰弓劍盡埋煙雨  
冷椒房一半上莓苔

閱五大知當時初無  
遜國之事蓋帝與后

同在灰燼中也。史氏致身錄之。誣神廟。時人俱能言之。得錢收齊諸人之辨甚明。

送李太守擢憲滇南

昆明池水靜無波。旌傳新從粵道過。開府  
矣能寬漢法。采詩自可入蠻歌。趁墟滇客  
龍名市。納款蠻王象渡河。他日勤功留片  
碣。點倉如黛不嵯峨。

訪梅禹金秦淮客舍

舟過長干問客星。風流不用歎飄零。一秋

桃葉居淮水。

時同小艇

十月梅花夢。敬亭遊遍

南朝故官地。翻殘西竺淨名經。贈君欲折  
藏鴉柳。滿目長堤何處青。

武夷溪口送惟起弟

青山遊侶散紛紛。况復臨岐遠送君。兩地  
鴈鴻難顧影。一時鸞鶴總離群。人從杜若  
洲邊去。路在桃花洞口分。明發登高各惆  
悵。鸞溪斜日幔亭雲。

丹陽遇陳十八

丹陽渡口遇同鄉，欲語忽忽怨夕陽。君返江南我江北，雲山千疊斷人腸。

長門怨

芳草何時輦路通，長門花鳥自春風。祇緣薄命難承寵，豈是相如賦未工。

郵亭殘花

征途微雨動春寒，片片飛花馬上殘。試問

亭前來往客，幾人花在故園看。

絕句七章詞不必覺

意不必深而婉轉閑生，一棹至清餘於意言之外。

酒店逢李大

偶向新豐市裡過，故人尊酒共悲歌。十年別淚知多少，不道相逢淚更多。

芋江驛樓送張四之白下

春風吹柳萬條輕，極目金陵隔暮霞。不必相思常後夜，片帆開處即天涯。

禦兒舟中別朗公

月下談深眠已遲。滿身涼露夜何其。雞聲未斷鐘聲起。又是江頭欲別時。

寄弟

春風送客翻愁容。客路逢春不當春。寄語鶯聲休便老。天涯猶有未歸人。

陶望齡

望齡字周望會稽人萬曆己丑賜進士第三官至國子祭

酒卒詣

文南

沛縣過高帝廟

路經舊沛山川古。龍起中原戰鬪多。一代雄圖開赤帝。千秋遺廟傍黃河。雲歸尚識真人氣。風起猶傳猛士歌。魂魄來遊長此地。漢宮秋色近如何。

高攀龍

攀龍字雲從無錫人萬曆己丑進士歷官至左都御史坐

忤進閣削籍被逮赴水死贈太子少保兵部尚書謚忠憲。忠憲詩無心學陶天趣自會羽翼名教人。不以繫壤一派為高益信定山甘泉非風雅。

之宗也

水居

薄暮登樓四望遠。疇時雨既降。農人乍休。孔燕來止。儵魚出游。萬族有樂。吾心何憂。  
中有元化 偶然得之

夏日閑居

長夏此靜坐。終日無一言。問君何所為。無事心自閑。細雨漁舟歸。兒童喧樹間。北風

忽南來。落日在遠山。顧此有好懷。酌酒陶然池。中鷗飛去。兩兩復來還。

湖上閒居李思子往適至

正爾山水間。念我烟霞友。春風吹微波。日暮倚楊柳。我友惠然至。童僕喜奔走。相別嘆幾時。相逢慮不久。所歡得晤言。欲言仍無有。默默各自怡。一室閒相偶。夜深不能寐。明月在東牖。

夜步

幽人夜未眠。月出每孤往。繁林亂鶯。照村屋人語。響宿鳥時一鳴。草徑露微上。欣然意有會。誰與共心賞。

崋光靜坐

偶來山中坐兀兀。淡旬餘。淡然心無事。宛若生民初。流泉當几席。衆山立庭除。高樹依巖秀。修篁夾路陳。所至得心賞。終日忻。

如流光易蹉跎。此日良不虛。寄言繕性者。速駕深山居。

傅新德

新德字元明。定襄人。萬曆己丑進士官至國子祭酒。贈禮

部右侍郎  
謚文恪

送郭青字參藩已蜀

殊方幾載嘆離群。忽漫相逢又送君。萬里江湖龍劍合。一尊風雨薊門分。岷岷迥出天連雪。棧閣平臨馬度雲。蜀相威名應不

負他時消息好相聞

區大相大相字用儒廣南高所人萬曆巳丑進士官翰林榜討歷

贊善中允

家人初至京置酒亭中對雪作

庭霰今朝集家筵此日開不知燕地雪猶  
訝故園梅玉袖承花出珠簾捲絮迴瑶華  
雖可贈留賞上春來中允海南人海南無雪故頷聯時妙頊聯

非秀艷香霧雲影霞同一筆墨

### 送何儀部稚孝謫桂林

長沙非不遠南去更蕭森謫宦楚山盡獨  
行湘水深鄉書同雁少官舍共猿吟今夕  
懷人夢隨君到桂林

### 南行感懷

聞道貂璫輩由來為掃除先朝頃鎮守重  
任典方輿貢禾山川竭徵輸井邑虛明明  
皇祖訓官府意何如時礦稅之使紛紜四出至寺人職掃除者



列坐督撫之上小民窮瘁幾於賦荏莘歌  
哀楚矣詩中念祖訓正以慨時事之非也

入羅滂水

井邑新安集閭閻雜漢徭火耕春伐木山  
獵夜歸樵潮響蠻溪合林光瘴峒消直須  
勸撫字勿使困征徭

鄭明選明選字子升侯官人萬曆己丑進士官南京刑科給事中

感懷

黃虞世已遠大道漸陵遲十室八九空奸

邪乃猖技法令日以繁盜賊日以熾宜尼  
相魯國道路不拾遺君子正其本禮義將  
自治莫以鞭與轡能使疲馬馳莫以刑與  
戮能使風俗移長吏苟有闕三尺將安施

恭聞冊立皇太子喜而賦詩

少海初流潤前星已麗空九重原獨斷四  
能本無功鶴馭丹青上龍樓紫禁東君王  
有金鑑早晚賜春官神廟為鄭妃故屢欲建文福王迫於公儀

而止作者歸本九重獨斷  
立言之辭故應溫厚也

十五夜寓懷

明月孤懸夜。空齋獨坐人。地平連海岳。灰  
濶散星辰。祿米悲親沒。柴門憶弟貧。吾生  
無限事。况感百平身。

歸子慕

子慕字季思崑山人萬歷辛卯舉人崇禎時追贈翰林待

詔。待詔詩雅淡清真。筆瓢童冠無非樂趣。生平與高忠憲公敦道義交。詩品亦峇相似。所云同心之言也。

對客

默然對客坐。竟坐無一語。亦欲通殷勤。尋  
思了無取。好言不關情。諒非君所語。坦懷  
兩相忘。何害我與汝。

城北初夏

三見草木榮。栖栖猶未旋。偶與城市遠。因  
耽此地偏。獨館背清池。一無俗事牽。晨興  
課書罷。日午蛙聲喧。出門見新秧。微綠映

遠田久晴初得雨。稚子亦欣然。田父說歲  
占。今亦定有年。物情既如此。予樂復何言。  
淡然無意太  
美元酒之遺

雜詩

日出群動作。智計千萬端。用此徒爲勞。不  
用殊未安。所繇在有身。坐令思慮殫。所以  
古賢達。與物同一觀。俯仰放懷抱。宇宙何  
其寬。

館城北

妻孥昔居城。我淹江上廬。妻孥喪江上。我  
去城北居。城北何所事。二三喜從余。既愛  
童子真。且得人事疎。長夏北窓竹。風吹几  
案書。坐看牆外帆。樹中去徐徐。中情苟無  
繫。觸物皆有餘。今茲對佳節。正值秋風初。  
香稻感我情。歸食空江魚。小女解思父。一  
見當何如。

王辰正月西村築室成  
經始逼歲除。春肇室云考。結構稱心爲。彌  
拙亦滿好。村樹既羅列。溪流亦滌挹。北牖  
移修篁。南圃藝藥草。室中圖與書。閒暇可  
探討。農人理耰鋤。念此歲供早。顧我長負  
疴。不耕慚亦飽。

移居

冉冉歲云暮。寒風動林於。言辭東村宅。去

適西村。廬豈無舊巢。戀歎與吾仲。俱西村。  
況不遠。相去一里餘。回瞻竹樹間。炊烟出  
前厨。吾病四十衰。厭厭日不如。憂患易反  
本。戚戚念友于。安得我叔氏。亦復來此居。  
遙望城中山。引領空嗟吁。

丙寅六月過吳子往菽秋菴

蕭瑟湖上廬。六月如清秋。涼雨過柴門。綠  
揚風颼颼。水濱一穉子。洋洋何所求。終日

無一魚持竿釣不休。問之向我笑，使我心  
忘憂。諸詠有物我同得之趣。覺月到天  
風來水面終是有心作理語。

歸江上

去年冬盡歸。室家尚完好。兒女曝檐隈。牆  
頭日杲杲。今年冬盡歸。離憂不可道。中饋  
闕無人。虛堂塵不掃。一兒依外家。兩女傍  
兄嫂。奚獨天運乘。謀生亦草草。人世骨肉  
緣。尚爾不可保。而况一切營。何足櫻懷抱。

久矣吾行迷。回車苦不早。

歲暮別諸生

惻惻不可道。臨歧但依依。常恐語言多。親  
勝中情微。感茲寒色厲。北風吹爾衣。歲暮  
家室情。各各念爾歸。群居雖云樂。人情諒  
難違。所患不同心。不患相見稀。尼父重久  
要。如醴久已非。勗哉儀先民。雅道庶可幾。

人人胸臆中語。便是至情。視華子潛詩  
只學得陶公形象。所謂得其皮骨者也。

明詩別裁集卷九

明詩別裁集卷十目錄

謝肇淛 四首

袁宏道 一首

曹學佺 八首

蔡毅中 一首

公 龔 三首

李流芳 四首

唐時升 二首

程嘉燾 四首

楊 漣 一首

王象春 一首

賀萬祚 一首

高道素 一首

陳鳴鶴 一首

周永年 一首

王人鑑 一首

吳稼鎧 一首

宋登春 一首

孫友箎 一首

俞安期 三首

何 白 一首

鄭 琰 一首

盛鳴世 一首

沈 木 一首

明詩別裁集 卷十目錄

王屋 二首

吳夢陽 一首

范泐 二首

吳兆 一首

徐燭 三首

文震孟 一首

徐石麟 一首

倪元璐 一首

蔣燦 二首

徐汧 一首

萬壽祺 二首

馬世奇 一首

楊廷麟 一首

張溥 一首

姜埰 一首

顧咸正 一首

明詩別裁集

卷十目錄

三



陳宗之 一首

謝遊 一首

吳本泰 一首

萬泰 一首

闡爾梅 一首

劉永錫 一首

陳子龍 十九首

明詩別裁集卷十

長洲 沈德潛確士

周準欽菜 同輯

謝肇淛

肇淛字在杭長樂人萬曆壬辰進士官至廣西左布政使

秋日邀龍君御同鍾伯敬林茂之

賦詩君御時將赴滄中

營道植高檮大音謝俗機誰云京洛塵而  
能淄素衣前蹤既云逸後會安可希斗酒

自斟酌。蟹螯秋正肥。南陸有殘暑。西山無  
留暉。不知松際月。已挂花間扉。雜坐忘馨  
折。緒談聞芬菲。君今赴河湟。戎馬生郊畿。  
白面誰見賞。青雲願多違。舊歡意未決。新  
離淚仍揮。余亦倦遊者。因之歌式微。

送徐與公還家

楓落空江。生凍烟。西風羸馬不勝鞭。冰消  
浙水知家近。春到閩山在。客先斜日雁邊。

看故國孤愧。雪裡過殘年。憐予久負寒鷗  
約。魂夢從君碧海天。

春怨

長信多春草。愁中次第生。君王行不到。漸  
與玉階平。

秋怨

明月憐團扇。西風怯綺羅。低垂雲母帳。不  
忍見銀河。

袁宏道

宏道字無學公安人萬曆壬辰進士官吏部郎中公安

兄弟意矯王李之弊而人於俳諧又一交而之竟陵詩道遂不復振人但知竟陵之裏而不知公安一派先之也

感事

湘山晴色遠微微。盡日江邊取醉歸。不見  
兩關傳露布。尚聞三殿未垂衣。邊防自古  
無中下。朝論於今有是非。日暮平沙秋草  
亂。一雙白鳥避人飛。

曹學佺

學佺字能始侯官人萬曆乙未進士歷官參議廣西天啓中以閭禍除名為民崇禎初起復廣西疏辭不赴家居二十餘年殉節死

夜泊彭山江口

錦城平日暖。旅泊始知寒。犍蜀中分地。岷  
峨相向看。岡連三女冢。水疾二郎灘。蘆葦  
風吹急。蕭蕭漢將壇。岑彭遇害此北有彭亡之稱

泰昌皇帝輓歌

龍馭升遐日。封章滿御牀。施行猶令旨。德

意自先皇沛若江湖決。俄然石火光。更聞  
哀詔到。能不淚沾裳。龍馭升遐。謂神宗  
更聞哀詔。謂光宗  
勸進箋三上。騰歡遍九垓。逐臣皆召用。中  
使盡收回。貨賤招先儉。心勞集相才。大工  
湏計日。久矣柏梁災。  
罷稅不停徵。邊庭歲用增。金錢溢輸輓。士  
馬飽飛騰。北闕聞天語。東隅望日升。那堪  
遽辭世。倉卒治山陵。

九轉神丹秘。三旬帝業終。春秋書法謹。中  
外揣靡窮。兩泣將填巷。攀髯或墮弓。由來  
戮方士。豈但爲無功。

過木瀆

指點十三橋。迎船半柳條。夕陽潮正滿。春  
草岍俱遙。琢研開山市。爲園灌藥苗。賣錫  
時節近。處處有吹簫。琢研種花。風土自  
昔高。來光景如禹

送陳民部出守思州

言辭粉署重淒淒。道路時聞征馬嘶。日照  
夢懸鄉樹外。夜郎吟向郡樓西。竹雞群裡  
登峨嶼。銅鼓聲中出朗溪。我欲白門攀柳  
送相思。此夜有烏啼。

八月朔日王元宜招集南樓送陳  
汝翔之東粵王玉生之清漳沈從  
先還姑蘇徐興公之建溪陳維尋  
之聊城蔣之才之廣陵予返白下

西風蕭瑟動離顏。一樹衰楊不剩攀。秋老  
幾人猶白社。月明無主自青山。征途南北  
高樓外。客淚縱橫杯酒間。此別紛紛難聚  
首。天涯那許夢魂閑。

蔡毅中

毅中字宏甫光山人萬曆辛  
丑進士官至禮部右侍郎

秋興

木落江空天氣清。西風蕭颯雁南征。浮雲  
暗逐年華變。歧路虛憐短鬢生。千里關河

懸空夢萬家。砧杵動秋聲。崇蘭芳芷依然  
在何處。江潭弔屈平。

公

禹

禹字孝與。蒙陰人。萬曆辛丑進士官至禮部右侍郎。謚文

介

詠古

古人獲我心。善達窮通理。安危慮所居。屈  
伸貴自已。已貴可復賤。中立常不倚。衰至  
易生驕。脂毒恒在美。薛公僅遺榮。疏傳庶

知止。寥廓睇冥鴻。增繳安可擬。

穆陵關

昔日齊侯履。南疆盡此村。諸山沂作鎮。五  
岳岱為宗。霸國猶餘業。重關識舊蹤。故園  
相去近。回首海雲重。

諸將

上谷漁陽拱帝京。相連河外受降城。一從  
塞馬來南牧。遂使王師罷北征。絕徼尚傳

青海箭中原新動綠林兵。主憂正值宵衣日。誰向天山答太平。

李流芳

流芳字長蘅嘉定人萬曆丙午舉人嘉定四君中以禮園為上雖漸染習氣而風骨自高不能掩其真性靈也

過臯亭龍居灣宿永慶禪院同一

漁澄心恒可諸上人步月

歸裝出西湖間道向黃鶴。屢愆桐塢期。偶遂龍居諾。輕舟凌晨風。遙山滿晴郭。丹林

尚可數寒條。紛無託披松。指微徑聽水。則暗壑新構爭。遠勢平臺攬。搖落霜餘山。容淺天清海。氣薄暫歇塵。勞心始知寂滅樂。每多方外遊。見僧即如故。燈明一龕下。夜長愜深晤。不知山月上。千林已流素。出門尋舊溪。愛踏松影路。氣和空宇澄。寒魄如春露。幽泉洗我心。微鐘香然度。  
讀第二章如見東坡

承天寺夜遊光景

白門七夕時將人燕  
舊日維舟處。懸情獨柳條。秋風又京國。客  
思正江潮。長路有時到。歡期難再邀。徘徊  
望牛女。愁絕向中宵。

黃河夜泊

明月黃河夜。寒沙似戰場。奔流聒地響。平  
野到天荒。吳會書難達。燕臺路正長。男兒  
久爲客。不辨是他鄉。

唐時升

時升字叔遠嘉定人

南翔里有八老人爲社長者年九  
十四少者年八十一居止不一二  
里耄耄相望杯酒談笑日相娛樂  
誠太平盛事詩以紀之

白鶴村頭春日曉。香霧濛濛百花好。蒼顏  
素髮八老人。花前置酒相傾倒。笑說鄰翁  
學語時。追談邑子知名早。不知主客更勸



酬。爭。引。曾。玄。互。提。抱。今。年。孟。春。甲。子。晴。占。  
 云。麻。麥。俱。豐。成。坐。中。祭。酒。九。十。四。敬。酌。社。  
 公。旨。且。清。其。間。迭。起。拜。更。祝。但。願。脚。健。雙。  
 眸。明。桂。林。從。事。八。十。一。只。聞。喚。弟。無。呼。兄。  
 南。村。翳。翳。桑。榆。日。出。共。持。杯。歸。散。帙。但。課。  
 兒。孫。種。黍。苗。何。知。方。士。餐。芝。朮。香。山。居。士。  
 有。遺。篇。九。十。不。衰。真。地。仙。公。等。康。健。逢。聖。  
 世。能。無。旦。暮。歌。皇。天。願。炊。香。飯。秫。釀。酒。日。

奉。杖。履。長。周。旋。武。皇。遺。事。多。訛。謬。欲。闕。金。  
 輿。南。幸。年。

薛侍御出按貴州便道歸雲南省

覲

繡。衣。持。節。出。長。安。南。人。牂。牁。路。萬。盤。重。箚。  
 濕。雲。常。欲。雨。點。蒼。晴。雪。不。知。寒。登。車。自。掃。  
 豺。狼。迹。問。寢。應。彈。儼。豸。冠。遙。憶。樹。頭。新。酒。  
 熟。雲。南。人。釀。刺。桐。花。下。王。承。歡。

程嘉燧嘉燧字孟陽歙縣人寓居嘉定○孟陽詩亦娟秀少塵自  
 錢牧齋警李何王李諸人推孟陽為一代宗主幾與高季迪李賓之前後相時矣而陽姜印子湘有心矯枉摘其累句云爭倚画撓衝妓席獨橫朱袖占歌筵亦知終去婚和嫁且意問來弟勸兄近逐歌喉頃開席間開笑歷待歡船閒俚串迹圓留面戲劇  
 顏面向交遊等句謂其穢褻俚俗幾於身無完膚矣子錄其氣清格愨去風雅未遠者四章見孟陽自有真詩勿因牧齊之過許而毛舉其疵以掩也之

值唐叔達同錢將軍北上言別

方舟然燭夜相過道上匆匆奈別何。我已  
 三年懷錦里君偏五月渡黃河南遊誰共  
 烟花早北上兼聞金鼓多。此別各懷無限  
 意莫將春淚點江波。

送李中翰還朝

漢家官闕枕燕關。使者乘槎八月還。吳地  
 潦平猶似海。廣陵濤壯正如山。同舟夜醉

神仙侶染翰春隨供奉班。聞道滄溟今未  
息。幾回溝壑動愁顏。

閭門訪舊作

悵望吳閭百里餘。故園兄弟日應疎。多年  
華鬢絲相似。三月春愁水不如。歌扇舊分  
桃葉渡。釣船還傍藕花居。掃眉才子何由  
見。一訊橋邊女校書。

登樓

少小聽歌怕唱愁。一聲楚尾與吳頭。如今  
身。在。傷。心。地。但。見。春。光。莫。上。樓。

楊

漣

連字文第應山人萬曆丁未  
進士嘉宗朝官至副都御史  
劾魏閣二十四大罪被逮死鎮撫司  
獄贈太子少保左都御史謚忠烈

題柏子園青芸閣

官閣凌空汶水深。金甍初動客登臨。浮雲  
易。吹。三。山。色。落。禁。先。驚。萬。里。心。江。上。美。人  
遺。雜。佩。城。南。少。婦。拭。清。砧。繁。臺。兔。苑。今。禾

黍日暮邊欄思不禁。

王象春

象春字季木濟南新城人萬曆庚戌進士官至吏部郎中

書項王廟壁

三章既沛秦川雨。八關又縱阿房炬。漢王

真龍項王虎。玉玦三提王不語。禹上杯二

棄翁姥。項王真龍漢王鼠。垓下美人泣楚

歌。定陶美人泣楚舞。真龍亦鼠虎亦鼠。奇關

可儼謝  
皇羽篇

賀萬祚

萬祚字孝廷嘉興人萬曆庚戌進士官至江西右布政使

周侍御行部

蘭臺使者舊知名。攬轡從容江海情。抗疏

共看任伯雨。行軍還擬趙營平。五花馳馬

巡周道。三輔黃圖歷漢京。不獨艱危憂水

旱。前籌更欲請長纓。

高道素

道素字立期嘉興人萬曆己未進士官工部郎中以督造

桂府毀  
傾論死

明詩別裁集

卷十

三

秋日寄沈無回

涼風起庭際。簾幙迎秋陰。一葉空階落。孤  
燈獨坐深。芙蓉思遠道。蟋蟀動愁吟。誰念  
閉居客。能傷遲暮心。

陳鳴鶴

鳴鶴字汝翔  
閩人諸生

伍相祠

黃池宴罷羽書催。骨葬臨夷擯可材。西子  
已辭吳苑去。東門忍見越兵來。春風故國

蘼蕪長落日荒祠。杜宇哀千載。忠魂何處  
問滿城兒女弄湖回。

周永年

永年字安期  
吳江縣學生

弔淮陰侯

一市人皆笑三軍衆盡驚。始知真國士元  
不論群情楚漢關。輕重英雄出戰爭。何能  
避殖醢垂釣足平生。

王人鑑

人鑑字德  
操吳縣人

冬夜閑居

忽忽寒光早。閑居水上村。病踈當世事。貧負故人思。黃葉深樵徑。荒烟淡華門。憑誰論出處。短褐信乾坤。

吳稼澄

稼澄字翁晉。孝豐人。以例除南光祿典簿。

金陵酒肆贈茅平仲

暮年看爾壯心孤。落落酣歌擊唾壺。但數一錢憐姹女。纔誇千騎笑羅敷。梨花雨濕

紅襟燕。楊御春藏白項烏。欲向盧家借雙

漿。莫愁不是舊時湖。

宋登春

登春字應元。新河人。

秋日野望

聽鳥中林性。看雲故國心。地早湘漢澗。天遠洞庭深。老馬空知道。窮猿豈擇林。十年書劍客。寂寞到如今。

孫友篴

友篴字伯諧。歙縣人。

過古墓

野水空山拜墓堂。松風濕翠灑衣裳。行人欲問前朝事。翁仲無言對夕陽。

俞安期

安期字美長吳江人

憶家

故國千山外。經秋遠別離。浮生能幾日。為客此多時。衰眼高堂淚。寒砧少婦悲。天涯念游子。風雨共淒其。

望海

紛紛靈異變昏朝。陰火隨波遠自飄。龍藏函。經連水府。蜃樓開市借雲霄。星臨東極無分野。山入南荒有沃焦。日日潮來長應候。似應西答百川朝。

登祝融峰

中天積氣入清涼。雲霧翻看地混茫。雨挾蒼龍奔下嶼。星懸朱鳥定南方。何年石匱

藏金簡自台山祇禮赤璋壇上長流青玉  
乳神池高捧帝臺漿。

何白白字无咎永嘉人

淮上歸與

淮。泗。秋。風。動。地。來。月。明。如。水。雁。聲。哀。南。經。  
伍。員。吹。篳。市。北。眺。曹。公。較。督。臺。歸。路。漸。香。  
藜。米。飯。佳。期。已。負。菊。花。杯。愁。聞。烽。火。連。東。  
北。極。目。浮。雲。黯。未。開。

鄭 琰琰字翰卿開縣人。翰卿二

河聲如帶。戍樓秀積。土陰雲連。紫黑  
閑中落日帶沙黃。劍戟已消。兵後火  
竊。騷。備。泣。戰。時。瘡。皆。怆。慨。有。燕。趙。聲。

哭李太將軍

十萬旌旗染血丹。招視夜夜哭桑乾。殘兵  
來拾中郎印。野鳥飛登大將壇。金獸鎖門  
嚴鼓角。石麟窺塚葬衣冠。至今俺答騎胡  
馬。猶是將軍舊戰鞍。



盛鳴世

鳴世字太古鳳陽人國子監生

題岳陽酒家壁

巴陵壓酒洞庭春。楚女當壚勸客頻。莫上高樓望湖水。烟波二月已愁人。

沈木

木字子喬嘉興縣學生

夜起

暑夜不成寐。起步中庭中。殘月忽墮水。明河猶在空。籬根滴清露。樹杪生微風。坐爰

新涼好。先秋有候蟲。

殘月忽墮水二譚是夜起雞聲茅店月二

語是曉行各入神妙

王

屋

屋字孝時嘉善人

子夜歌

千金買良玉。百金求良工。為儂作雙環。相連無始終。

妾身妾自惜。君心君自知。莫將後日情。不如初見時。

日言吳表集卷一  
吳夢暘

夢暘字允兆歸安人

送胡孟敬邑博之沅江

攜手情無極。茫茫此別何。一官猶俎豆。滿地已干戈。畏路身難定。騷人怨自多。可堪寥落思。木葉洞庭波。

范

汭

汭字東生鳥程人

琴川夜泊懷孫齊之

野宿次鳧鷖。青青荻筍齊。潮痕隨月落。山

勢壓城低。殘夢風前折。歸心曙後雞。還知高隱處。只隔水東西。

春日詠吳允兆

遠樹微波黯不分。闔閭城畔寄孤雲。春來儘有還鄉夢。除却青山便是君。

吳

兆

兆字非熊休寧人

同曹學全過宿碧峰寺愚公房

入寺昏烟斂。雙橋竹澗通。僧歸殘磬裡。客

夢亂山中燈暗。窻沾雨。枝喧鳥墮。風他鄉。  
寥落夜語。笑喜能同。戊子春宿寒山空谷  
菴中始知客夢亂山

中句  
之妙

徐

焯

焯字興公  
閩縣人

送俞本之遊楚

寒鼻木落水連天。雲際孤城望漢川。  
隔岸數聲湘女瑟。中流千里鄂君船。  
鷓鴣夜叫黃陵月。猿狖秋啼赤壁烟。  
挾得離騷經一

卷行吟長對楚江邊

送康元龍之靈武

賀蘭山下戰塵收。君去征途正值秋。  
落日故關秦上郡。斷烟殘壘漢靈川。  
胡兒射獵經河北。壯士吹笳怨隴頭。  
城窟莫教顏飲馬。水聲嗚咽動鄉愁。

黃河官路黑山程。羌笛橫吹漢月明。  
漢北烽烟三里霧。隴西鼙鼓十年兵。  
燕鴻度塞

寒無影。胡馬行。沙暗有聲。後夜思君勞遠。  
夢朔風吹過白登城。

文震孟

震孟字文起長洲人天啓壬戌賜進士第一授翰林修撰

忤逆閹鐫級歸崇禎初復原官歷仕至禮部侍郎東閣大學士卒謚文肅

擬古遠行

江之陽兮有嶼。江之陰兮有渚。朝而風兮  
久而南。望夫君兮渺何許。春波兮悠悠。日  
暮兮夷猶。擊青桂兮為櫂。舉木蘭兮為舟。

恍含思兮凝睇。乘清風兮遠遊。遠遊兮上  
下。載行兮載合。遵中流兮待君。將寄心於  
遠者。

徐石麟

石麟字寶摩嘉興人天啓壬戌進士除工部主事崇禎初

起補南禮部歷吏部尚書乙酉城陷自經可經堂

望匡廬

突兀此何處。匡君廬。亘天黛。浮五老。壁青  
八九。江船慧遠林中寺。康王谷口泉苻生。

今已老誰與買山錢。

倪元璐

元璐字玉汝上虞人天啓壬戌進士改庶吉士官至禮部

尚書翰林學士京師陷自謚初謚文正定謚文貞

皇極門頌辱作

鳳闕開彤旭。猊爐散紫烟。六階齊度緯。七政轉幾璿。甲曆龍躔改。寅賓象魏懸。明時功在革。資始義承乾。黑帝成初試。青皇位早傳。周官新月令。甘氏舊星篇。人繼羲和

後書成。莫英前。庚先三日。戒貞下一元。旋圖籙符垂。赤干支德應。玄興王。惟有歲太史。又編年。賜出黃星曜。披看綠字鮮。因如天曆數。如日起虞淵。

蔣

燦

燦字翰仲崇禎戊辰會魁官至天津兵備

題杜少陵像

誰貌杜陵老。憂懷筆底傳。凋殘悲瘦馬。慷慨拜啼鵑。作客依江閣。浮家寄楚船。高才

同。獲。落。千。古。有。青。蓮。

大雅長往矣，遺容後代看。萬間思廣廈，一諫失微官。抗志隆中對，饑驅蜀道難。蕭騷兩鬢白，應為憶長安。

徐

沂

沂字九一長洲人崇禎戊辰進士官至少詹事家居殉節

死

三月十九日

珍饌精鏐賜講筵，每逢令節主恩偏。十章

書未陳金鑑，九逝魂猶戀。細旃社稷風，雲誰奏曲園。林霜露已經年，龍髯回睇橋山遠。王匣珠襦不忍傳。

萬壽祺

壽祺字年少徐川人崇禎庚午舉人

入沛宮

泗亭春盡樹婆娑，漢帝宸遊不再過。魂魄有時還至沛，樓臺落日半臨河。風吹大澤龍蛇近，天入平沙雁鷺多。我亦遠隨黃綺

去東山重唱來芝歌

贈胡彥遠

河渚經營把釣綸。乾坤草莽一閑身。南陽高卧真名士。東漢徐生舊黨人。十載荃蘅同入夢。三冬冰雪獨傷神。荷鉏歸去田廬閉。莫向人間學問津。

馬世奇

世奇字君常無錫人崇禎辛未進士改庶吉士官至翰林

院侍講京師陷自謚初諡文忠定謚文肅

贈曹元字守漳州

靈機秋泛海天涼。五夜心懸燕寢香。總爲至尊憂社稷。漢臣何必薄淮陽。溫柔敦厚

楊廷麟

廷麟字角祥溧江人崇禎辛未廷士官巽臨溍无節戰州

別葉侍御

渾水橋邊寺北田。行旆東去雨連懸。桑村古渡沙移路。茅屋人家鳥就烟。江左衣冠悲楚澤。淮西烽火按秦川。更聞群盜郊原

日言別表集 卷一  
遍欲下潯陽萬里船  
茅屋勻寫畫荒涼不見人

張溥  
溥字天如太倉人崇禎字未進士以庶吉士

孟門行

雙絲繫玉環宛轉生光澤本以結同心何  
知反棄擲君家美酒琥珀先紅顏少年空  
滿堂酒酣意氣不可當君家玉堂盛孟門  
孟門深谷無朝昏中有美人嘯且歌仁義

結客客自多相與醉君金叵羅黃雀銜環  
報舊主畏君脾射遠飛去夜深孤棲城北  
樹夜深孤棲徐情不書忠愛之心故應如是

姜採  
採字如農萊陽人崇復辛未進士官禮科給事中以言事

廷秋削籍  
成宣城

赴戍宣州衛

垂死承恩譴天威咫尺間荷戈荒徼去收  
骨瘴江還衣職猶思補龍髯竟絕攀橋陵



千滴淚獨在敬亭山。淚痕血點垂胸臆。荒微瘴江未合宣川。

顧咸正 咸正字端木崑山人崇禎癸酉舉人除廷安推官旬節死

登華山

倚杖高臺萬里秋。山川元氣共沉浮。金神法象三千界。玉女明妝十二樓。井鉞參旗皆北拱。濁河清渭自東流。愁看殺氣關中滿。獨立南峰最上頭。

陳宗之 宗之字王立長洲人崇禎癸酉舉人

漢道

漢道昔云季。四海沸群雄。賢士失網維。奔鼠拔西東。管寧棲遼海。田疇隱無終。鄭玄與王架。各自獲所從。如何盛明世。栖栖泥淖中。雨雪積荒塗。渚田路不通。寧無北門嘆。要自東回窮。疾耕寒樂郊。仕宦乏奇功。乾坤雖浩廣。何地置吾躬。愴惻衙門下。憂來湖悲風。

謝遊

遊字橐先宜與人  
崇禎癸酉舉人

巴女祠

巴川積水極岷峨。巴女明妝艷綺羅。為語  
秋江風浪急。斷腸休唱木蘭歌。

吳本泰

本泰字美子仁和人崇禎甲  
戌進士官南京禮部郎中

帝京篇

崇禎元年作

夢想黃京臺。來歌白石梁。明明聖人出。旭  
日天方旦。廣殿飭梓材。神霄發輪奐。後桓

妖。孽消芝蓋。卿雲紘三長。罷振杆九廟。秉  
珪瓊。下國頌時雍。至尊理宵旰。宵旰懷殷  
憂。籌邊寢弛玩。軍需飛檄催。水衡仰屋嘆。  
大奸已距脫。群疑未冰泮。漸鴻雖可儀。羔  
羊不聞讚。名盛實則衰。事倍功乃半。因之  
勅。吳康匪伊游。泮渙君既勤。晝接匡當思。  
日贊朝中去。朋黨政府參。謀斷網必挈。其  
網繩先理其亂。求治毋太速。防微勿滋蔓。

所期日月光幽遐理必貫思陵初政實有可觀孤疑頓肩

仍任奄人而臣工汜沔朋黨連結此後日事也詩中思慮瑋防具有灼見

萬泰泰字履安郵縣人崇禎丙子舉人

留別董西來

客途相見即相親。總是淒涼夢裡人。且喜何郎能似舅。不妨綺季未稱臣。睢陽城上三生淚。無定河邊後死身。惆悵天涯分手處。秋高一雁落江津。

閩爾梅高相字用好江甯沛縣人崇禎丙子舉人。詩有奇氣有

近相豪茲揮其尤雅者

重過兗州

亭長臺西舊酒徒。踈狂名姓滿江湖。每從世外尋高蹈。不識人間有畏途。季札重來周樂散。奚斯一去魯官蕪。高樓極目誰同醉。正月愁聽有噫蛄。

劉永錫永錫字啟兩配縣人崇禎丙子舉人官長洲儒學訊導葦

命後惡於陽城  
湖之濱窮餓死

行路難

雲漫漫兮白日寒。天荆地棘行路難。四字

千萬言

陳子龍

子龍字人中更字臥子青浦人崇禎丁丑進士官兵科給

事中殉節死。詩教之衰至於鍾譚  
剝極將復之侯也。黃門力閉榛蕪上  
追先括厥功甚。鋒而責備無已。謂仍  
不離七子面目。將烟啁齊鳴。不必有  
釣節之響。

曜靈

曜靈。天子遇旱而憂。省獄減刑。雨以  
時降。詩人美之也。

曜靈維陽。杲杲麗天。爰自東作。火見於昏  
天之薦瘥。蘊隆如焚。皇曰予冀。方邦畿所  
安。廢我來牟。兆民孔艱。一早之始。盛維塵  
冥冥。早既太甚。百卉具零。豈降自天。胡德  
非馨。曾是有象。恭曾是有譴。慝曾是有詭。

隨。曾。是。有。培。克。章二爰。命。宗。伯。大。雩。孔。明。爰。  
命。徹。侯。于。郊。于。宗。以。爾。幣。玉。及。爾。斯。牲。方。  
社。既。周。山。川。用。享。叶振。古。率。育。胡。邁。予。不。  
寧。章三巍巍。蒞。卬。維。君。宅。之。翼翼。皇。心。維。天。  
繹。之。禮。莫。不。展。來。響。來。格。膳。宰。既。徹。鑼。鼓。  
既。釋。凡。百。君。子。勗。爾。無。斁。章四皇。曰。司。寇。維。  
刑。世。重。世。輕。朕。聖。姦。宄。成。愆。于。平。悍。陽。驕。  
驕。憂。我。黎。氓。乃。清。岸。獄。乃。釋。累。囚。肆。赦。時。

夏。或。歌。且。謳。俾。彼。燕。山。出。雲。油。油。終。朝。彌。  
野。既。舒。既。柔。既。霏。既。優。田。畷。語。語。樂。茲。士。  
女。以。育。我。稷。黍。皇。王。布。惠。天。錫。純。嘏。

仲夏直左掖門送夏彞仲南歸

金。塘。迴。素。波。中。有。雙。鶯。卷。花。身。在。清。禁。和。  
鳴。君。子。旁。顧。此。同。林。鳥。孤。翼。忽。南。翔。生。乎。  
志。忼。慷。何。事。獨。難。忘。本。為。四。海。人。豈。得。常。  
相。將。大。夫。重。知。已。萬。里。同。一。鄉。龜。勉。效。貞。

亮德輝在巖廊。莫憂青堊多。和璧貴善藏。  
執手不能語。悵矣結中腸。

雜詩

山椒微風發。薄暮遲佳人。頽陽淡林表。素  
月生河津。佇立懷往路。時宴多苦辛。君家  
青雲樓。瑤華艷當春。皇蘭亦有芳。欲寄良  
無因。歡愛宜足重。要使恩誼申。浮雲誠易  
阻。白壁終見珍。

至道無相非。來流乘心跡。高懷苟不亮。執  
誼日以積。賢隨貴同用。愚與賤交役。騰名  
自有階。投讒豈無隙。營營棘上蠅。可以橋  
金石。履純思寡尤。超方鮮奇策。毀譽苟未  
忘。顧影慙跼蹐。

墓門有惡木。鳴鵙巢其巔。同爰雨露潤。不  
與百卉妍。性質固自殊。大造安能遷。我行  
適見之。中心懷憂憤。利斧雖在手。斬伐無

此。權。去。去。保。芳。潔。願。言。藝。衡。荃。手無斧柯  
奈龜山何

平陵東

炎。精。中。燼。妖。慧。紅。平。陵。松。柏。生。秋。風。四。十。  
萬。人。頌。符。命。巨。君。却。在。層。城。宮。東。郡。太。守。  
建。旗。鼓。排。山。動。地。連。關。輔。五。威。國。將。紛。東。  
馳。大。誥。金。滕。亦。何。補。污。官。薦。棘。雖。無。成。天。  
下。始。知。稱。漢。兵。不。逢。時。會。豈。失。策。猶。與。宛。  
洛。開。先。聲。斗。柄。橫。斜。漸。臺。感。白。水。真。人。坐。

黃。屋。逢。萌。束。帛。卓。茂。封。義。公。碧。血。無。人。哭。  
男。兒。何。必。上。雲。臺。千。古。徒。悲。兩。黃。鶴。義公  
之稱  
兵。更。難。於。勝。廣。之。關。漢。祖。而。光。武。之。封。  
不。及。何。也。不。以。成。敗。論。人。具。有。卓。識。

小車行

小。車。斑。斑。黃。塵。晚。夫。為。推。婦。為。挽。出。門。何。  
所。之。青。青。者。榆。瘵。吾。飢。願。得。樂。土。共。哺。糜。  
風。吹。黃。蒿。望。見。牆。宇。中。有。主。人。當。飼。汝。叩。  
門。無。人。室。無。釜。躑。躅。空。巷。淚。如。雨。為流人  
青事恐

鄭監門亦不能繪

寄獻石齋先生

烈風蕭條吹百羽。朱鳳歲徒遭南土。羅爵如雲不見天。秦人高歌楚人舞。出門不向妻子辭。八尺銀鐙五色組。虎鬚較尉紅錦裘。峨舸大艗下江舟。蛟龍鬻齋黃沙臥。日月冥冥青楓秋。赭衣墨積安魚服。予亦相逢淮水曲。京華時事不足論。恬淡相看日

彌促偕刀誰留門外。蘭卮厨肯恕山中。鹿可憐。舉世學浮沉。燭龍迴照杳難尋。桑蒼日不解。時人意愛護。還憑明主心。我有短鹿首。懷袖安能一矢干。黃金平生風義兼。師友陳蔡相從。但鼓琴。此石齋被逮黃門遇之淮南而作

聞闔門開。翡翠城鳳凰十二相。和鳴碧血一灑王階裂。驚雷急電何時平。明生往往自引匿。故吏不復相通名。賈彪奔走何側



足曹鸞上書翻極楛鈞黨幾入甘陵奇相  
將同入黃門獄緋衣獄吏行生風黃封小  
匣排當中更番榜掠不知數但稱汝罪如  
山崇小臣萬死不足惜聖德如天輝典冊  
帶血晨興寫孝經裏齋夜卧編周易爰書  
一旦下高天薄譴由來湘水邊萬里聞聲  
頌明聖漢廷有待賈生還

作帶血晨興寫孝經  
二語自是當時定事

此述石齋白詔  
獄行成百陽而

交河

烏啼征馬動曙色散淖池海氣通三鳥天  
風靜九河沙平邊草斷日澹塞雲多百里  
無烟火空林枉自過

廬居

行遯山河改歸來松菊荒尚餘三畝宅無  
復萬家旁祈死煩宗祝偷生愧國殤但依  
親隴在含笈此高岡

襄陽

江漢西陸重。荆襄南紀雄。諸侯悲峴首。耆  
舊失隆中。燧色通秦塞。妖星下楚宮。不知  
太隄女。何處舞春風。

雜感

大河南北望。萬里入春愁。車馬空宮渡。風  
烟滿豫州。黃巾連戶著。白骨少人收。自古  
中原地。應煩聖主憂。

兵戈傳劍外。消息每差池。已失夔門會。誰  
言蜀棧危。雪山寒鼓角。玉壘暗旌旗。天子  
頻西顧。元臣實總師。

此楊嗣昌總師時也  
夔門失而蜀道不可

守矣喪師辱國  
伊誰之咎哉

送張五笥中丞擢河道少司空隨

召陛見

舊聞開府靜牙璋。詔領河隄入未央。周室  
保釐分邾鄆。漢家底績念宣房。九天星宿

開秦塞萬里梯航走冀方。爲語至尊南顧日。不堪重問海陵倉。典切

酬李司馬萍榭先生

久瞻樞府重明光。投我連城雲錦章。傷亂已聞劉太尉。賞音深愧蔡中郎。九龍移帳春無草。萬馬窺邊夜有霜。早晚滄江驚驛使。詔書先問右賢王。

錢唐東望有感

清溪東望大江迴。立馬層崖怪望哀。曉日四明霞氣重。春潮三折浪雲開。禹陵風雨恩王會。越國山川出霸才。依舊謝公攜屐處。紅泉碧樹待人來。

送吳巒穉司李桂林

翡翠巢邊匹馬過。千盤桂嶺鬱嵯峨。南浮灘水啼猿滿。北望君山落雁多。蠻府官閒能作賦。漢廷恩近憶鳴珂。愁心獨擊張平

明詩別裁集卷十  
子欲奇瑯玕奈遠何。

重游弇園

放艇春寒島嶼深。弇山花木正蕭森。  
左徒舊宅猶蘭圃。中散荒園尚竹林。  
十二敦槃誰狎主。三千賓客半知音。  
風流搖落無八繼。獨立蒼茫異代心。

今弇園一帶廢為民居矣。讀此不勝時代之感。

明詩別裁集卷十

